



Nunatsinni Ilisimatusarnermik Siunnersuisoqatigiit
Greenland Research Council

Ilisimatusarnermik siuarsaanermut 2026-mut aningsaasaliissutit pillugit allagarsiussaq

- Ilitsersuutitalik, qinnuteqaammullu piumasaqaatinik erseqqissaatitalik

Indhold

1	Nunatsinni Ilisimatusarnermik Siunnersuisoqatigiit ilisimatusarnermut aningaasaliisarannut killissarititaasut	2
1.1.	Atuarnissamut ilitsersuut	2
1.2.	Ilisimatusarnermik siuarsaanermut 2026-mut aningaasaliissutit pillugit allagarsiussaq	2
1.3.	Najukkami tunngaveqartumik inuiaqatigiinnut iluaqutaasumik ilisimatusarneq	2
1.4.	Ilisimatusarnermi akisussaassuseqarneq	3
2	Ilisimatusarnermik siuarsaanermut aningaasat agguagassat	4
2.1.	Tapiiffigineqarnissamut piumasaqaatit	4
2.2.	Tapiissuteqarnissamut tunngaviit	4
2.3.	Qinnuteqarnissamut killissarititaq qinnuteqaatinillu nassiussineq	5
3	Qinnuteqaammut piumasaqaatit	5
3.1.	Suliniutip nassuiaataa	6
3.2.	Missingersuutit	6
3.3.	CV aamma saqqummersitanik allattorsimaffik	7
3.4.	Institutionimit akuersissut	7
3.5.	Qinnuteqaammi immersorneqartussanik immikkut pingaarutilinnik immikkoortut	9
4	Qinnuteqaatinik suliarinninneq	10
4.1.	Qinnuteqartup kukkuneqartumik qinnuteqaatini paasissutissanik nutarterinera	10
5	Pisortat ingerlatsinerat pillugu paasitinneqarsinnaatitaaneq pillugu inatsisi	10
6	Paasissutissanik illersuineq	10
7	Aningaasaliiffigineqartup akisussaaffii	12

1 Nunatsinni Ilisimatusarnermik Siunnersuisoqatigiit ilisimatusarnermut aningaasaliisarnerannut killissarititaasut

Nunatsinni Ilisimatusarnermik Siunnersuisoqatigiit namminersorluni aqutsisuuvoq, siunertaralugu kalaallisut ilisimatusarnerup ineriartortinneqarnissaa nukittorsarneqarnissaalu inuiaqatigiinnut iluaqutaasumik. Qitiusumik ingerlatat marluk aqqutigalugit siunnersuisoqatigiit tamanna ingerlappaaat: ilisimatusarnermut aningaasaliissutinik agguaa neq kiisalu aalajangiisartunut soqutigisaqatigiinnullu ilisimatusarnermik aamma ilisimatusarnermi politikikkut siunnersuinikkut. Tamatuma saniatigut Siunnersuisoqatigiit ilisimatusarnermi nunat tamalaat suleqatigiinneranni kalaallit peqataasarnissaat siuarsassavaat kiisalu ilisimatusarnermik paasissutissiineq nukittorsarlugu.

Ilisimatusarnermut siunnersuisarneq ilisimatusarnermullu aningaasaliisarneq pillugit Inatsisartut inatsisaat nr. 5, 29. november 2013-imeersoq Nunatsinni Ilisimatusarnermik Siunnersuisoqatigiit inatsisitigut tunngavigaat.

1.1. Atuarnissamut ilitersuut

Ilinnut, qinnuteqaatinnullu suut piumasaqaataanersut ilitersuummi uani atuarsinnaavat. Aallaavittut ilitersuut tamakkerlugu atuaruassavat. Nunatsinni Ilisimatusarnermik Siunnersuisoqatigiit allattoqarfia oqarasuaatikkut allakkatigullu aqqutigalugu nalunaarusiaq pillugu aamma qinnuteqariaatsit pillugit allaffissornikkut pisortatigoortumillu pissutsit pillugit ilitersuisinnaavoq. Allattoqarfiup ilisimatusarnermut tunngasunik siunnersuineq suliarinngilaa. Nunatsinni Ilisimatusarnermik Siunnersuisoqatigiit innersuussutigaat, najukkami ilisimatusarnermik tapersersuisumut attaveqassasutit imaluunniit peer feedback atussagit.

Nalunaarusiaq imaluunniit qinnuteqariaatsimut apequtissaqartilluni allatsi Nivi Johnsen attavigineqarsinnaavoq e-mailikkut lnjsn@nanoq.gl imaluunniit oqarasuaatikkut +299 345000.

1.2. Ilisimatusarnermik siuarsaanermut 2026-mut aningaasaliissutit pillugit allagarsiussaq

Allagarsiussaq manna aqqutigalugu Nunatsinni Ilisimatusarnermik Siunnersuisoqatigiit 2026-mi Ilisimatusarnermik siuarsaanermut aningaasanut agguagassanut qinnuteqarnissamut kajumissaarivoq. Qinnuteqaatinik ukioq manna kingusinnerpaamik nassitsivissap 1. marts 2026-usup iluani qinnuteqaatinut allagarsiussaq manna atuuppoq.

Nunatsinni Ilisimatusarnermik Siunnersuisoqatigiit ilisimatusarnermik suliaqarnermi fagit pingaarnerit tamaasa tapersersortarpai. Siunnersuisoqatigiit aningaasaliissutaasa agguanneqarnerat ammasumik unammilleqatigiinnikkut pissaaq aammalu tema-tigut killilersugaanngitsumik.

Allagarsiussaq tuluttuunngorlugu nutsigaavoq. Oqaasertaani assigiinngissuteqartoqarpat danskisut allasimasooq atuuttuavoq.

1.3. Najukkami tunngaveqartumik inuiaqatigiinnut iluaqutaasumik ilisimatusarneq

Nunatsinni Ilisimatusarnermik Siunnersuisoqatigiit ilisimatusarnermi pitsaasumik periuseqarnissamut tunngavii naliigiissitaanermik, ataqqinninnermik, pingaaruteqarnermik, illugiinnermik, maniguunnermik, akisussaassusermik, sunniivigeqatigiinnermik, ataatsimut isiginninnermik, ataqatigiinnermilliut aallaaveqarput.

, Kalaallit Nunaata kissaatigisaanik ilisimatusarnermilu salliutaanik aallaaveqartumik, najukkami tunngaveqartumik ilisimatusarnermik siuarsaassalluni Siunnersuisoqatigiit suliaarat . Taamaattumik inuiaqatigiinnut akisussaassuseqarnissamik, ileqqorissaarnissamut, najukkami suleqatigiinnissamut, najukkamiinnissamullu siunnersuisoqatigiit annertuumik piumasaqaateqarput.

Nunatsinni Ilisimatusarnermik Siunnersuisoqatigiinnut qinnuteqaatit kalaallit ilisimatusarnermut institutionianut attuumassuteqaaq, suliniutillu Kalaallit Nunaata ilisimatusarnermut periusissiaanut qanoq tapersersuisarnerinut atassallutik ([Ilisimatusarnek – ineriartortitsinermut aqqutissaq – Kalaallit Nunaata ilisimatusarnermut periusissiaa 2022–2030](#)).

Siunnersuisoqatigiit ilisimatusarnermik tapersersuisarput najukkami tunngaveqartumik, aammalu pingaartumik najukkami najugaqartunit ilisimatusartunit suleqatigisanillu ingerlanneqarlunilu aqunneqartumik, tassa ilisimatusartut inuit ataasiakkaallu Kalaallit Nunaanni najugaqartuusut. Najukkami innuttaasut peqataatinneqarnissaat pingaaruteqarlunilu pisariaqartutut isigineqarpoq, ilisimatusarnerup pingaaruteqarneranut pitsaassusianullu tunngatiinnarnagu, aammali suliniutip aningaasaliiffigineqarnissaanut naliliinermi qitiusumik tunngavittut.

Tamaattumik najukkami peqataatitsineq qanoq ililluni qulakkeerneqassanersoq, tassunga ilanngullugu najukkami tunngaveqartumik innuttaasunillu suleqatigiinneq qanoq pilersinneqassanersoq, kiisalu ilisimatusarnerup ilisimasanillu avitseqatigiinnermut Kalaallit Nunaanni inuiaqatigiinnut qanoq tapersersuinersoq qinnuteqartut erseqqissumik nassuiaatigissavaat.

Taassuma saniatigut ilisimatusarnerup inuiaqatigiinnut iluaqutaasarnissaa pingaartinneqarpoq. Imaappoq, ilisimatusarnerup innuttaasut pisariaqartitaannut, unammillernartitaannullu tunngassuteqassasoq , Kalaallit Nunaannullu atatillugu atorsinnaasanik paasissutissanik tapersiissasoq.

Suliniutit taamaallutik toqqaannartumik kaammattorneqarput:

- najukkami suleqatigiinnissanik pilersitsinissamut
- innuttaasut, najukkami institutionit soqutigisaqatigiillu peqataatinnessaannut
- najukkami aamma ileqquusumik ilisimasanik ilanngussinissamut
- nutaaliornermut aammalu piujuartitsisinnaasumik inuiaqatigiinnik ineriartortitsinermut tapersiinnissamut
- Kalaallit Nunaanni ilisimasanik piginnaasanillu ineriartortitsinermut
- Pisortatigoortumik, pisortatiguunngitsumillu ilisimatusarnermi ilinniartitaanernut peqataaneq
- ilisimatusarnek pillugu paasissutissiinikkut innuttaasut ilisimatinneqarnissaat, peqataatinneqarnissaat, isumassarsitinnissaallu.

1.4. Ilisimatusarnermi akisussaassuseqarneq

Kalaallit Nunaanni ilisimatusarnermik suliniutit fagimut attuumassuteqartut tunngavigalugit akuersissutinik aalajangersimasunik pissarsiniarnissamik pisussaaffeqarput. Ilisimatusartup akisussaaffigaa, suliniut aaliangersimasoq inatsisitigut imaluunniit aqutsinikkut piumasaqaatit suut atuunnerannik ilisimasaqarnissaq.

Projektip tatiginassusaa qulakkeerniarlugu piumasaqaataavoq, Siunnersoqatigiiniit aningaasanik taparserneqartussatut akuersaasoq, suliniut naapertorlugu paasissutissat attuumassutillit aamma ilisimatusarnermi akuersissutit pisiaqartut tamaasa pissarsiarissagai.

Peqqissutsimut attuumassuteqartumik ilisimatusarnermik suliniutit Ilisimatusarnermi

Ileqqorissaarnissamut Ataatsimiititaliamut Peqqissutsumut Ilisimatusarnermi Kalaallit Nunaanniittumiittumut nalunaarutigineqassapput, aammalu akuersissutigineqareersimallutik aatsaat Nunatsinni Ilisimatusarnermik Siunnersuisoqatigiit qinnuteqarfigineqarsinnaapput. Paasissutissat annertunerusut nittartakkami www.nun.gl,-imi pissarsiarineqarsinnaapput.

2 Ilisimatusarnermik siuarsaanermut aningaasat agguagassat

2.1. Tapiiffigineqarnissamut piumasaqaatit

Suliniutinut ataasiakkaanut, ilisimatusarnermut institutioni ataasiinnaq peqataaffigisaa, aningaasaliissutit amerlanerpaamik 100.000 kr.-iusinnaapput, suliniutinullu ataasiakkaanut, minnerpaamik kalaallit institutionii marluk suleqatigiillutik peqataaffigisaannut aningaasaliissutit amerlanerpaamik 250.000 kr.-iusinnaapput, aammalu aningaasartuutit institutionit akornanni naleqquttumik agguanneqarsimassallutik.

Tapiissutit uku matussusersinnaavaat:

- Akissarsiassat Ilisimatusartumut(nut), teknikkikkut /allaffissornikkut sulisorisat aammalu suliniummi suleqatigisanut (toqqaannangitsumik ingerlatsinermi aningaasartuutit ilanngunnagit)
 - Ilisimatusarnermut attuumassuteqartunik ingerlatsinermit aningaasartuutit (assersuutigalugu paasissutissanik katersineq, misissueqqissaarineq aammalu Open Access-imut aningaasartuutit)
 - Angalanermut najugaqarnermullu suliniummi suleqatigisanut aningaasartuutit*
 - Angalanermut najugaqarnermullu peqataasunut allanut, matumani soqutigisaqaqatigiit ilanngullugit, aningaasartuutit*
 - Ilisimasani avitseqatigiinnermut sammisassaqaqtitsineq, soqutigisaqaqatigiinnik peqataatitsinermit sammisassaqaqtitsineq aammalu attaveqatigiinnermut atatillugu ingerlatsinerit*
 - Attaveqatigiinnermi sammisassaqaqtitsineq, nutserineq, naqitanik suliaqarnermi sanatitsineq*
- * ilisimatusarnermi suliniutip ilagisarippagu.

Suliniutit aallaavittut tapiiffigineqartarput, ilisimatusarnermik siuarsaanermut aningaasaateqarfiup aningaasaliissutaat kisiisa tunngavigalugit tamakkerlugit ingerlanneqarsinnaasunik.

Toqqaannangitsumik ingerlatsinermi aningaasartuutit imaluunniit isumasioqatigiinnermut peqataaneq tapiiffigineqarneq ajorput.

Ph.d.- imaluunniit kandidatitut suliniutit aallaavittut tapiiffigineqarneq ajorput. Qinnuteqartoq kandidatinnngorniarluni imaluunniit ph.d.-nngorniaruni, suliniut qinnuteqarfigineqartoq qinnuteqartup ilinniarnernut attuumassuteqaqngitsumik ingerlanneqarsinnaasoq ersarissumik nassuiarneqassaaq.

Qinnuteqartut siusinnerusukkut Nunatsinni Ilisimatusarnermik Siunnersuisoqatigiinnit tapiiffigineqarsimasut, suliniut tapiiffigineqarsimasoq naammassineqarsimassaaq, qinnuteqaat nutaaq nassiunneqartinnagu.

Piumasaqaatit innuttaassuseq apeqqutaatinnagu assigiimmik atuupput.

2.2. Tapiissuteqarnissamut tunngaviit

Nunatsinni Ilisimatusarnermik Siunnersuisoqatigiit ilisimatusarnermik siuarsaanermut aningaasatigut

tapersiisarpog qinnuteqaatit tiguneqartut ataasiakkaani nalilersuinermit makkuninnga tunngaveqartumik

1. suliniutip ilisimatusarnikkut pitsaassusaa imarisaalu, matumani siunertap nassuiarneqarnera, periutsit najukkami aamma ileqquusumik ilisimasani atuneq ilanngullugu kiisalu siliniutip ilisimatusarnermut tapertaanerata pingaaruteqarnera
2. suliniummik piginnittup ilisimatusarnikkut piginnaasai
3. suliniummik piginnittup suliniutip naammassisinnaaneranut periarfissaa, matumani suliniutip aningaasaqarnera, ataatsimullu aaqqissuussaananerut aqutsinerlu, taamaalilluni ilisimatusarnikkut qaffasissumik nunat tamalaat akornanni inissisimanissaa qulakkeerniarlugu
4. ilisimatusarnikkut Kalaallit Nunaanni suliniaqatigiiffinni piginnaasanik ineriartortitsinikkut inerneq naatsorsuutigineqartoq
5. inuiaqatigiinni ajornartorsiutinik aaqqiinikkut, naleqalersitsinikkullu inerneq naatsorsuutigineqartoq (matumani aamma assersuutigalugu suliffissanik pilersitsineq, pinaveersaartitsineq, naammassisaqarsinnaanermik pitsanngorsaaneq, unammillersinnaaneq, piginnaasanik ineriartortitsineq il.il)
6. suliniummi piginnittoq inuiaqatigiinnut peqataatitsinermit paasissutissiinermullu periusersaa.

Nunatsinni Ilisimatusarnermik Siunnersuisoqatigiit nalilersuinerminni tunngaviit ataasiakkaat sapinngisamik naammassineqarsimanissaat pingaartittarpaat. Taamaakkaluartoq tunngaviit assigiinngitsut annertunerusumik minnerusumilluunniit naammassineqarsimasinnaallutik, tamat isiginnissuseqartumik naliliisoqartuaannarpoq. Qinnuteqaatit akornanni unammilleqatigiittoqarnera pissutigalugu, qinnuteqaat tunngavinnik naammassininnera aningaasaliissuteqartoqarnissaanik qulakkeerneqarneq ajorpoq.

2.3. Qinnuteqarnissamut killissarititaq qinnuteqaatinillu nassiussineq

Qinnuteqaatinik nassiussinissamut killissarititaq tassaavoq **1. marts 2026**.

Qinnuteqaat immersorneqassaaq, [Nunatsinni Ilisimatusarnermik Siunnersuisoqatigiillu nittartagaat](#) aqutigalugu onlinekkut nassiunneqassalluni.

3 Qinnuteqaammut piumasaqaatit

Qinnuteqarfissami pinngitsoorani immersorneqartussat immersukkit, tulliuttullu ilanngullugit qinnuteqaat nassiullugu:

1. Suliniutip atia aamma suliniummut nassuiaat
2. Suliniummut missingersuutit erseqqissarneqarsimasut
3. Qinnuteqartup aamma akissarsiaannut qinnutigineqartut ilisimatusarnikkut sulisut CV-ii aamma saqqummersitanik allattorsimaffiat
4. Suliniummik aqutsisumik institutionimit allakkatigut akuersissut.

Qinnuteqartup eqqumaffigissavaa, qinnuteqaatit ataasiakkaat tamarmik akimortumik siunnersuisoqatigiinnit pingaarnersiorneqartarmata. Taamaattumik innersuussutigineqartarpoq, suliniutip nassuiaataa, qinnuteqarfisap iluani immikkut ilisimasaqartunuinnaanngitsoq, ilisimatusartunut assigiinngitsunik sulialinnut allanneqassasoq. Qinnuteqaat tuluttut imaluunniit danskisut allanneqassaaq.

Suliniummut nassuiaat, missingersuutit, CV, saqqummersitanik allattorsimaffik, institutionimit

akuersissut aammalu ilanngussat allat tamarmik pdf-fili ataasiinnarmi katersorneqassapput, Nunatsinni Ilisimatusarnermik Siunnersuisoqatigiillu nittartagaanni onlinekkut qinnuteqaammut ilanngullugu upload-erlugit.

Qinnuteqaat nassiunneqassaaq ilisimatusartumit suliniummut akisussaasumit aammalu Nunatsinni Ilisimatusarnermik Siunnersuisoqatigiinnut tunngatillugu akisussaasumit (pingaarnertut qinnuteqartoq).

3.1. Suliniutip nassuiaataa

Suliniutip nassuiaataa amerlanerpaamik qupperit sisamat angullugit takitigissinnaavoq, figurit tabelillu ilanngullugit, kisianni innersuussuinerit ilanngunnagu, akunnerit ilanngullugit anslag-it annerpaamik 9.600.

Times New Roman atussavat, naqinnerit angissusaat 12-iussaaq, margin-it tamarmik minnerpaamik 2 cm-iussapput, aammalu linjefstand 1,5-iussaaq. [Nunatsinni Ilisimatusarnermik Siunnersuisoqatigiit nittartagaanni](#) suliniummut nassuiaatissamut skabelon-iat pissarsiarineqarsinnaasoq piimasaqaatinut taakkununga naapertuuttumik inissinneqarsimavoq. Tabelit, figurit oqaasertai aammalu fodnote-t naqinnerup angissusia 10 aammalu linjefstand 1 atorlugu atuarsinnaasariaqarput..

Suliniummut nassuiaat paasissutissanik makkuninnga imaqartinneqassaaq:

1. Siunertaq
2. Tunuliaqutaq
3. Suliniummut pilersaarut
 - a. Piffissaliussaq
 - b. Ilisimatusarnermi periutsit
 - c. Nunap iluani aamma nunat tamalaat akornanni suleqatigiinneq
 - d. Ilisimatusarnermik paasissutissiineq aamma attaveqarneq
4. Soqutigisaqatigiinnik aamma innuttaasut peqataarusutsilernissaannut periutsit, najukkami suleqatigiinneq aamma sunniivigeqatigiinneq, inuiaqatigiinni tunngaveqarneq, piginnaasanik ineriartortitsineq, inuiaqatigiinnut paasissutissiineq, ileqqorissaarnissamut eqqarsaatersuutit
 - a. Assersuutigalugu najukkami ilinniartut ilanngunneqarnissaat, ilinniarnertuuni ilisimatusarfiit, suliffeqarfiit, peqatigiiffiit aammalu soqutigisaqatigiit allat.
 - b. Assersuutigalugu atuarfinni imaluunniit ilinniartfinni allani ilinniartitsineq, inunnut tamanut ammasumik oqalugiaatit il.il.
5. Suliniutip iluani pissutsit.

3.2. Missingersuutit

Nunatsinni Ilisimatusarnermik Siunnersuisoqatigiit qinnuteqaatit nalilersorsinnaassappagu, piffissap suliniutip ingerlanneqarfianik matussusiisumik, sumullu qinnuteqarnersutit takussutissiisumik missingersuusiussaati. **Missingersuusiaq immikkoortunut naleqquttunut agguanneqassaaq, assersuutigalugu inuit ataasiakkaat akissarsiassaannut aningaasartuutit, suliassat aammalu angalanermut aningaasartuutissaat ingerlatanut agguataarlugit, atortussanik pisinermi aningaasartuutissaat il.il.** Pingaartuuvoq, suliniuummi peqataasut tamaasa pillugit missingersuutit paasissutissaqarnissaat, tassunga ilanngullugit peqataasut Nunatsinni Ilisimatusarnermik Siunnersuisoqatigiinnit aningaasaliiffigineqarnissaannik qinnutigineqanngitsut, taamaalilluni suliniutip peqataasut katitigaaneri aammalu aningaasaqarnera ataatsimut ersersissammagit.

Aningaasaleeqataasinnaasut imaluunniit nammineq aningaasaliinerit uppersarneqassapput aammalu missingersuutini allassimassallutik. Aningaasaliissuteqarnissamut piumasaqaataavoq, missingersuut suliniummi institutionimi aqutsisumit aammalu qinnuteqartumit akuersissutigineqarsimassasoq. Akuersissut atsiorderillu ersarissumik skabelon-imi “institutionimit akuersissut”-it ataani takuneqarsinnaassaaq.

Missingersuutimi aningaasaliissutit sulit qulakkeerneqarsimanngitsut ilanngunneqarsimappata, tamanna allassimassaaq. Taamatut aningaasaliissuteqartoqanngippat suliniut qanoq annertugisumik nammassineqarsinnanersoq nassuiarneqaruni, tamanna qinnuteqaammut iluaqutaassaaq.

3.3. CV aamma saqqummersitanik allattorsimaffik

Qinnuteqartup CV-a aammalu immikkut saqqummersitanik allattorsimaffik ilanngunneqassapput. Qinnuteqartup CV-a amerlanerpaamik quppernerit A4 marluk angullugit annertussuseqarsinnaavoq (figur-it, tabel-it il.il.). Qinnuteqartut nammineq toqqarsinnaavoq, saqqummersitanik allattorsimaffik tamakkerlugu imaluunniit toqqakkat kisimik nassiuqqassanersut.

Taassuma saniatigut ilisimatusarnikkut sulisut, Nunatsinni Ilisimatusarnermik Siunnersuisoqatigiit aqutitigalugu akissarsianut tapiiffigineqarnissaannik qinnutigineqartut, CV-ii aammalu saqqummersitanik allattorsimaffii (inummut ataatsimut amerlanerpaamik quppernerit marluk) ilanngunneqassapput. Sulisunut akissarsianut tapiiffigineqarnissamut qinnuteqartoqarpat, akissarsiat kikkunnut atugassaassanersut erseqqissumik allassimassaaq.

Suliniunni peqataasut tamarmik atuuffii (VIP, TAP, allat) naleqquttumik oqimaatigitiissinneqassapput, peqataasullu ataasiakkaat atuuffii nassuiarneqassallutik/tunngavilersorneqassallutik.

Peqataasut tamarmik kalaallit institutioniunut attuumassuteqarnerat ersarissumik allassimassaaq.

Aaqqissuussisimanerup najugaanik paasissutissanik aamma ilinniarsimassutsimut (akademiskimik ilinniakkat, ukiut naammassiffii allanneqassapput), suliffeqarneq, suliniunni ilisimatusarnermilu aqutsinermik misilitakkat, ilisimatusarnermi pingaarteqartut, ilinniartunik aammalu inuusuttunik ilisimatusartunik siunnersuineq, akademiskimik angusat, ataqqaatit nersornaatillu, allatigut ilisimatusarnikkut piginnaasat pillugit paasissutissat CV-mi allassimassapput. *CV-imi inunnik paasissutissanik tunngasunik imaluunniit isertuussanik imaqqassanngilaq (assersuutigalugu CPR-nr.). Orlov-it, meerartaarnermi aamma qitornavissartaarnermi orlov-it minillugit, immikkut nassuiaateqanngitsumik nalunaarutigineqassapput.*

Saqqummersitanik allattorsimaffik suliat saqqummersinneqarsimasunik imaluunniit saqqummersinneqartussat akuersissutigineqarsimasunik kisimi imaqqassaaq.

3.4. Institutionimit akuersissut

Nunatsinni Ilisimatusarnermik Siunnersuisoqatigiit skemaat, suliniunni aqutsisumik institutionimit akuersissummut tunngassuteqartoq, immersorneqarlunilu qinnuteqaatimut ilanngunneqassaaq.

Aningaasaliissuteqarnissamut piumasaqaataavoq, suliniutip missingersuutaa akuerineqarsimassasoq, institutionillu aqutsisunit aammalu qinnuteqartumit atsiorneqarsimasoq. Institutionimi allaffissornikkut aqutsisussaasoq tassaavoq taanna immikkoortortaq aningaasaqarniarnikkut sulisuliniunni allaffissornikkut aaqqissuussisussaq, suliniutip/qinnuteqartup ingerlanneqartup piffissaata ataani, atorfinitsitsinermilu

inatsisitigut tunngasut, naatsorsuutit il.il. eqqarsaatigalugit allaffissornerup inatsisitigut eqqortumik ingerlasnnissaannik qulakkeerisussa Skabelon-i [Iisimatusarnermik Siunnersuisoqatigiit nittartagaanni](#) pissarsiarineqarsinnaavoq.

3.5. Qinnuteqaammi immersorneqartussanik immikkut pingaarutilinnik immikkoortut

Skema-mi ataani qinnuteqaammi immikkoortut pingaarnerit ataatsimut takuneqarsinnaapput.

Nassuiaat	
Qinnuteqartuq	Qinnuteqartup paasissutissai.
Ti	Ilisimatusarnermik siuarsaanermut aningaasaateqarfimmit siusinnerusukkut aningaasaliiffigineqareersimavit? Aap: ukioq, suliniutip atia aammalu aningaasaliissutit annertussusaat allakkit. Aap: nalunaarusiaq nassiuunneqarsimava? Aap: suliniut isaaffik.org-imi saqqummiunneqarsimava?
Suliniut	Suliniutip pillugu innuttaasunut paasiuminartumik ilisimatusarnermik nassuiaat, tassani ilisimatusarfik, siunertaq kiisalu ilisimatusarnermi apeqqutit nassuiarneqassallutik (tuluttut kalaallisullu imaluunniit tuluttut qallunaatullu, oqaatsit tamarmik 400 missaanni).
	Ilisimatusarnermi sammisassaq.
	Paasissutissat pingaarnerit.
	Institutioninut attuumassutit.
	Suliniutimmi peqataasut allat: ateq, atorfeq, suliffik, e-mail.
	Sumiiffik(-iit) suliniutimmi ingerlatsiviusussat.
	Ileqqorissaarnissamut isumaliuutit.
	Inuiaqatigiit piginnaasanik ineriartortitsinerit periuksinik nassuiaat.
	Soqutigisaqatigiinnik, innuttaasunik aammalu najukkami institutioninik peqataatinnissaannik periuksinik nassuiaat.
	Inuiaqatigiinnut paasissutissiinermik periuksinik nassuiaat.
Aningaasaqarnaq	Suliniutimmi missingersuut tamakkerlugu.
	Nunatsinni Ilisimatusarnermik Siunnersuisoqatigiinnit aningaasat qinnutigineqartut tamakkerlugit.
	Aningaasat qinnutigineqartut qanoq atorfeqarnissat pillugu nassuiaat.
	Aningaasaliissutit qinnutigineqartut imaluunniit aningaasaliissutigineqartussat akuersissutit imaluunniit allanit isumalluutissat.
	Pisussaaffigisanik neriorsuutit allaniit aningaasaliissutigineqartussat imaluunniit in-kind tapiissuutit uppersaataat ilanngunneqassapput.
Qinnuteqaammik upload- ineq	Suliniutimmi nassuiaat.
	Missingersuutit.
	Pingaarnertut qinnuteqartup CV-ia. Ilisimatusarnikkut sulisut allat CV-ii akissarsiaasa tapiiffigineqarnissananik qinnutigineqartut
	Skabelonen-i 'institutionen-imit akuersissutigineqarsimavoq' immersorneqarsimasoq atsiorneqarlunilu qinnuteqartumit institutionimilu aqutsisoq.
	Ilanngussat allat.
	Paasissutissat allat naleqquttut.
Nammineq misissugassat	Suliniutimmi nassuiaat quppemerit sisamat (4) sinnissanngilai, figurit tabelillu ilanngullugit, innersuussusinerit minillugu), quppemerit ataasiakkaat t amerlanerpaamik naqinnerit 2.400-it, akunnerit ilanngullugit.
	Pingaarnertut qinnuteqartup CV-ia aamma saqqummersitaanik allattorsimaaffik kiisalu ilisimatusarnikkut sulisut CV-ii saqqummersitanillu allattorsimaaffii, taakkununga akissarsiaasaannut Ilisimatusarnermik Siunnersuisoqatigiinnit aningaasaliiffigineqarnissaannut qinnutigineqartut, qinnuteqaammi ilanngunneqarsimapput.
	Missingersuusiami suliniutimmi aningaasartuutit tamarmik ilanngunneqarsimassapput, aammalu ersarissumik aningaasaliissutit suut matussusersomeraat takuneqarsinnaassalluni.
	Ilisimatusarnermik Siunnersuisoqatigiit immersugassiaat institutionimit akuersissut immersorneqarsimassaaq, atsiorneqarsimalluni aammalu ilanngunneqarsimalluni.
	Qinnutigineqartut amerlanerpaamik 250.000 kr.-iupput.
	Ph.d.-stipendium imaluunniit kandidatit afhandling-imut aningaasaliissutit qinnutigineqanngillat.

4 Qinnuteqaatinik suliarinninneq

Qinnuteqarnissamut killissarititaq qaangiutereerpat qinnuteqaatit suliarineqarnissaat naatsorsuutigineqassaaq, amerlanerpaamik sapaatit akunneri arfineq-pingasut (8) ingerlanerini.

Qinnuteqartut tamarmik qinnuteqaatip inernera pillugu allakkatigut ilisimatinneqassapput.

Nunatsinni Ilisimatusarnermik Siunnersuisoqatigiit aningaasaliiffigineqarsimasut pillugit allattorsimaffik tamanut saqqummiutissavaat, siunnersuisoqatigiit aalajangiinerisa kingorna sapaatit akunneri pingasut sisamallu (3–4) qaangiutereerneranni. Suliniutit aningaasaliiffigineqarsimasut Siunnersuisoqatigiit nittartagaanni “projektbanken”-imi tamanut saqqummiunneqassapput, tassani suliniummut tamanut paasiuminartumik nassuiaat, peqataasut pillugit paasissutissat allat ilanngullugit, suliniutip sivilissusaa aammalu aningaasaliissutip annertussutaa ilanngunneqassallutik. Qinnuteqartut aningaasaliiffigineqanngitsut pillugit paasissutissat tamanut saqqummiunneqarsinnaapput, pisortat ingerlatsinerat pillugu paasitinneqarsinnaatitaaneq pillugu inatsit naapertorlugu takunninnissamik qinnuteqartoqartillugu, assersuutigalugu kina qinnuteqarnersoq, sumullu qinnuteqarnersoq (qinnuteqartut aqqi, suliniutillu taaguutaa9.. Taamaattumik qinnuteqartup eqqumaffigissavaa, suliniutip atia paasissutissanik isertuunneqartussanik qinnuteqaat imaqaassanngimmat.

Siunnersuisoqatigiinni ilaasortat tamarmik qinnuteqaatinik nalilersuinermi peqataasarpur.

Siunnersuisoqatigiinni ilaasortat ilaat qinnuteqaatinut aalajangersimasunut peqataasinnaanngitsutut (inhabil) nalilernerqarpata, qinnuteqaat taanna pillugu nalilersuinermi peqataatinneqassanngillat.

Nunatsinni Ilisimatusarnermik Siunnersuisoqatigiit Inatsisartut inatsisaat nr. 8, 13. juni 1994-imeersoq, pisortat ingerlatsineranni suliaasat suliarineqartarnerat pillugu inatsimmi kapitali 2-mi aalajangersarneqartut naapertorlugit, suliami peqataasinnaannginnermi (inhabilitet-imut) aalajangersakkat malittarivaat.

4.1. Qinnuteqartup kukkuneqartumik qinnuteqaatini paasissutissanik nutarterinera

Qinnuteqartoq, qinnuteqarnissamut killissarititaq qaangiutinnginnerani qinnuteqaatimi paasissutissanik amigartunik nassaaruni, *qinnuteqaat tamakkerlugu paasissutissanillu nutaanik ilanngussilluni nassiussissaaq*. Qinnuteqartup siunnersuisoqatigiinni allatsi ilisimatittariaqarpaa, siusinnerusukkut nassiunneqarsimasoq taarserlugu qinnuteqaammik nutamik nassiussisimalluni.

Qinnuteqarnissamut killissarititaq qaangiutereernerani tiguneqartut allannguutit nalilersuinermit ilanngunneqassanngillat.

5 Pisortat ingerlatsinerat pillugu paasitinneqarsinnaatitaaneq pillugu inatsisi

Inatsisartut inatsisaat nr. 9, 13. juni 1994-imeersoq, pisortat ingerlatsineranni paasitinneqarsinnaatitaaneq pillugu inatsit tunngavigalugu, innuttaasunut pisinnaatitaaffinnik arlalinnik tunniussivoq, soorlu innuttaasut paasitinneqarsinnaatitaanermut pisinnaatitaaffeqartut, pisortat sullissineranni suliaasat pillugit. Taamaalilluni paasissutissat Nunatsinni Ilisimatusarnermik Siunnersuisoqatigiinnut nassiussatit, assersuutigalugu paasitinneqarsinnaatitaanermut inatsimmi aalajangersakkat eqqarsaatigalugit tamakkiisumik atuutsinneqassapput..

6 Paasissutissanik illersuineq

Qinnuteqarnermi paasissutissat tunniussatit, Nunatsinni Ilisimatusarnermik Siunnersuisoqatigiit qinnuteqartunut portal-iani nalunaarsorneqarlutillu toqqorneqassapput. Pisinnaatitaaffeqarputit noqqaassuteqareernerup kingorna, paasissutissaatitit nalunaarsorlugillu toqqorsimasagut pillugit paasisaqarniarlutit, Kalaallit Nunaanni inuttut paasissutissanik inatsit naapertorlugu. Paasissutissat tunniussatit ingerlaavartumik Namminersorlutik Oqartussat allattoqarfiata toqqorsivianut nuunneqartassapput, Namminersorlutik Oqartussat nalunaarutaat nr. 3, 4. februar 2020-imeersoq, Inatsisartut inatsisaat allagaateqarfeqarneq pillugu naapertorlugu.

7 Aningaasaliiffigineqartup akisussaaffii

- Aningaasaliiffigineqartup akisussaaffigaa aningaasaliissutit siunertamut aningaasaliiffigineqartumut atorneqarnissaat qulakkiissallugu.
- Aningaasaliiffigineqartoq pisussaaffeqarpoq, ilisimatusarnermik suliniutip inernerit tamanut saqqummiutissallugit.
- Aningaasaliiffigineqartoq pisussaaffeqarpoq, suliniut aammalu suliat attuumassutillit Isaaffik-imi (www.isaaffik.org) nalunaarsussallugit.
- Ilisimatusarnermik suliniutip inernerit saqqummiunneqarneranni aningaasaliissutinik pissarsisoq paasissutissiissaaq, suliniut Nunatsinni Ilisimatusarnermik Siunnersuisoqatigiit aningaasaliissutaannik tapersorneqarsimasoq. Nunatsinni Ilisimatusarnermik Siunnersuisoqatigiit ilisarnaataat sapinngisamik aningaasaliiffigineqarsimasunut suliniutinut saqqummiussinnermi tamani atorneqartassaaq. Kalaallit Nunaanni suliniutip saqqummiunneqarnerani kalaallisut/tuluttut allassimasoq ilisarnaat atorneqassaaq, nunani tamalaani ataqatigiissuni tuluttut ilisarnaat atorneqassalluni.
- Suliniutip naammassinerata kingorna kingusinnerpaamik qaammatit sisamat qaangiutinnginneranni naatsorsuutit aammalu nalunaarusiaq kiisalu takussutissat paasiuminartut nassiunneqassapput. Nalunaarusiaq nassiunneqassaaq Siunnersuisoqatigiit qinnuteqartunut portal-iani nalunaarusiamut skema atorlugu. Ilisimatusarnermik suliniutip inernerit saqqummersitat tamarmik ilanngullugit nalunaarusiami naggataarutaasumi Nunatsinni Ilisimatusarnermik Siunnersuisoqatigiinnut ataatsimut uppersarneqassapput.